



ARRESTIMI POLITIK I LIDERIT TË OPOZITËS NË SHQIPËRI **SALI BERISHA**

Dosja e Klubit Partizani - një piramidë mashtrimi

Raporti ku zbardhet e
vërteta për procesin
politik të Klubit
Partizani me
faktet, provat dhe
dokumentat e
fshehura nga SPAK.



Arrestimi politik i Sali Berishës
Dosja e Klubit Partizani një piramidë mashtrimi
Raport i përditësuar

Përmbledhje Ekzekutive

Heqja e imunitetit të kryetarit të PD Sali Berisha, vendosja e tij në arrest shtëpie, ndalimi i çdo komunikimi me persona të tjerë, përveç atyre të familjes së ngushtë, si dhe arrestimi i dhëndrit të tij, Prof. Jamarbër Malltezi, ndërkohë që janë veç persona nën hetim, është vendim hakmarrës, terësisht politik, i Edi Ramës. Ky vendim është marrë në dhunim të hapur të kushtetutës së vendit dhe Konventës Europiane të të Drejtave të Njeriut, nga prokurorë, gjykatës dhe parlamenti. Të kontrolluar totalisht nga Edi Rama.

Në prill dhe në maj të vitit 2022 Edi Rama i kërkoj publikisht SPAK të merrej me Sali Berishën non grata dhe prokurorët politik në zbatim të kërkesës së tij sajuan dosjen e Klubit Partizani.

Dosja e Klubit Partizani është terësisht një piramidë mashtrimi politik, e cila, siç provohet nga dokumente zyrtare të renditura në këtë raport, bazohet në kallzimin e rreme të kryetarit të grupit parlamentar të Partisë Socialiste Taulant Balla, si dhe në shpifjen e fshehjen e qindra dokumentave, dhe manipulime nga prokurorë politikë.

Pas tre vitesh hetimesh sherruese, ata nuk kanë gjetur asnjë provë, fakt, dokument, apo ndonjë dëshmi të vetme, që të fajsojnë Sali Berishën dhe Malltezin.

Nga dhjetra zyrtarë të qeverive të djathta dhe të majta që kanë firmosur dokumentat e njohjes, kthimit të pronës dhe parablerjes së objekteve të klubit, të ndërtuara mbi këtë pronë, asnjë nuk është në ndjekje penale, sepse ata kanë zbatuar strikt ligjin.

Firma e Berishes nuk ekziston në asnjë vendim, urdhër apo dokument të këtyre proceseve dhe gjer sot, ai dhe Malltezi nuk janë pyetur asnjëherë të vetme, sepse kjo do rrëzonte piramidën e mashtrimit të prokurorisë politike të Ramës.

Ndryshimi i destinacionit, nga terren sportiv në zonë urbane, është bërë nga Edi Rama, veçmas nga privatizimi dhe pa kërkesën e pronarëve.

Ndërsa privatizimi i ndërtesave të rrënuara të klubit është filluar nga qeveria Nano dhe ka përfunduar nga qeveria Berisha. Ne këtë proces disa qindra pronarë, njëri prej të cilëve edhe Malltezi, morën pronën e tyre të konfiskuar nga komunistët 60 vite më parë.

Edi Rama i zhytur në skandale të mëdha, si ai i McGonigal dhe afera korruptive shumë miliardëshe, për të shpëtuar veten me një mandat të ri, vendosi në arrest shtëpie kundërshtarit e tij politik, kryetarit e PD, Sali Berisha.

Së fundmi me keto masa pa asnjë baze ligjore ndaj kundërshtarit të tij politik Edi Rama provoj veten si djalë besnik i babait të tij Kristaq Rama i cili si zëvendës i Ramiz Alisë firmosi varjen publike me datën 10 gusht 1988 të poetit disident Havzi Nela për vargjet e tij kushtuar fjalës së lirë dhe të drejtave të njeriut.

***Njoftim për Printim**

Nëse dëshironi të printoni versionin e plotë të këtij raporti që përfshin gjithashtu dokumentet e tij të bashkangjitur, ju lutemi ndiqni këtë LINK:

<https://www.sali-berisha.com/varjanti-i-zgjeruar>

Dosja Partizani piramidë mashtrimi politik

1. Heqja e imunitetit dhe vënia në arrest shtëpie e Kryetarit të PD Sali Berisha dhe Prof. Jamarber Malltezi, si persona nën hetim, me urdhër të Edi Ramës është një piramidë mashtrimesh politike e bazuar në kallzim të rremë, në shpifje, dhe fshehje të qindra dokumentave zyrtare.

1.1. Me datë 20 tetor GJKKO njoftoi se, me kërkesë të SPAK, kishte vendosur, pa miratimin e parlamentit, ndalimin e udhëtimit jashtë vendit, si dhe detyrim paraqitjeje në polici, të kryetarit të PD Sali Berisha dhe burgosjen e dhëndrit të tij Prof. Jamarbër Malltezi.

1.2. Këto masa u vendosën pa asnjë baze ligjore, pa ngritur padi penale, pa dhënë asnjë provë, fakt, apo dokument, por sepse Berisha është nën hetim për korrupsion pasiv, ndërsa Malltezi nën hetim për korrupsion pasiv dhe larje të produkteve të veprës penale, pa treguar si janë kryer këto vepra.

1.3. Berisha i refuzoi këto masa që vinin në kundërshtim të hapur me nenin 73§2 të Kushtetutës sipas së cilës ‘Deputeti nuk mund të arrestohet ose t’i hiqet liria në çfarëdo lloj forme apo ndaj tij të ushtrohet kontroll personal ose i banesës, pa autorizimin e Kuvendit’

1.4. Gjatë 32 viteve pluralizem këto masa nuk janë vendosur kurrë pa miratimin e parlamentit. Në vitin 2012 Berisha kërkoj abrogimin e nenit 73§2 të kushtetutës, por Edi Rama e refuzoi këtë në mënyrë të prerë dhe u arrit vetëm heqja e autorizimit për hetim.

1.5. Me datë 12.12.2023 prokurorët iu drejtuan parlamentit për zëvendësimin e masës së kundraligjshme të datës 20 tetor me masat heqje imuniteti, arrest në burg ose shtëpi, meqenëse Berisha nuk kish zbatuar urdhërin antikushtetues të gjykatës.

1.6. Ndryshe nga çdo precedent tjetër, kërkesa e paraqitur në parlament nuk u shoqërua me asnjë dosje me prova e fakte, por thjesht vetëm me vendimin antikushtetues së gjykatave të faktit e apelit.

1.7. Miratimi i këtij vendimi politik u njoftua mediatikisht me datën 14.12.2023, përpara çdo diskutimi në komisionin përkatës apo seancë plenare, nga kryetari i grupit parlamentar të PS, Bledar Çuçi, i cili deklaroi se grupi i PS do të miratonte masat kundër Berishës.

1.8. Parlamenti, në kundërshtim me kushtetutën, votoi më 21.12.2023 për heqjen e imunitetit të Berishës dhe arrestin e tij në burg ose në shtëpi, pa paraqitur asnjë raport dhe pa i dhënë fjalën Berishës, i cili kërkoi të merrte fjalën pasi të largoheshin nga salla mbi 50 gardistë.

1.9. Me datë 30.12.2023, në kundërshtim të hapur me Konventën Europiane të të Drejtave të Njeriut dhe Kushtetutën, GJKKO vendosi arrest shtëpie për Berishën dhe ndërpreje të çdo komunikimi të tij si person i zgjedhur me votë me persona të tjerë, përveçse me familjarët e tij të ngushtë.

1.10. Masat e sigurisë janë vendosur nga prokurori Arben Kraja ish oficer i policisë sekrete hoxhiste, i larguar nga detyra në 1996 me ligjin e lustracionit dhe Enkeleida Millonai, e denoncuar nga Berisha për lidhje me krimin dhe abuzime me të drejtat e njeriut. [\(foto 1\)](#)

1.11. Masat u miratuan në konflikt të plotë interesi nga kryetarja e GJKKO Irena Gjoka, e shkarkuar nga detyra me 8 shkurt të vitit 1996 për paaftësi, nga ish-presidenti Sali Berisha, asokohe kryetar i Këshillit të Lartë të Drejtësisë. [\(Foto 2\).](#)

2. Pas tre vjet hetimesh shteruese të kësaj çështjeje, rregjistruar pa emër të përveçëm, nuk është gjetur asnjë shkelje ligjore, fakt, provë, dokument, apo dëshmi e vetme nga dhjetra dëshmitarë të pyetur, që të fajsojnë Sali Berishën apo Jamarbër Malltezin.

3. Pa mundur të ngrenë akuzë ndaj tyre, me urdhër të Edi Ramës, prokurorët politikë, me datën 2 tetor 2023 nisën të njëjtin hetim ndaj Sali Berishes dhe Malltezit, dhe në një rast të paprecedentë i vunë ata nën masë sigurie që në fazë hetimi, pa i pyetur asnjeherë gjer sot.

4. Dosja e Klubit Sportiv Partizani është hapur pas një kallzimi të rremë të kryetarit të grupit parlamentar të PS, Taulant Balla, i regjistruar si kallzim penal me datë 1.12.2020 dhe po atë ditë, është regjistruar procedimi penal nga prokurorja Millonai. [\(foto nr 3\)](#) [\(foto nr 4\)](#)

5. Akuza kryesore e Taulant Balles bazohej në trillimin se toka nuk ju takonte pronarëve pasi sipas tij ajo ishte shpronësuar në vitet 1940 nga autoritetet italiane [\(foto nr. 5\)](#)

6. Por, dokumentet e rregjistrave hipotekorë të viteve 1935, 1943, 1945 dëshmojnë se toka ka qenë pronë e familjeve pronare, ndër të cilat edhe familja Begeja e Jamarbër Malltezit. [\(foto 6 – 9\)](#)

7. Fletoret Zyrtare te viteve '40, të fshehura nga prokurorët, provojnë se toka e Klubit Partizani nuk ka qenë kurrë e shpronësuar, por vetëm e rekuizuar (masë bllokimi e përkohshme), me dekret mbretëror të prillit 1942 dhe se, në qershor 1943 ky rekuizim u shty edhe 6 muaj të tjerë. Italia kapitulloi në Shtator 1943. [\(Foto 10 – 11\)](#)

8. Prokurorët gënjejnë duke thënë se procesi i njohjes, kthimit të pronës dhe privatizimit të objekteve të ndërtruara mbi të ka filluar pas vitit 2005. Dokumentet provojnë se procesi ka filluar që në vitet 1995-1996 [\(foto 12 – 13, 13/1, 13/2\)](#).

9. Sipas dokumentave zyrtare të firmosura nga Presidenti i Republikës, që në vitin 2004, Klubi i Futbollit Partizani NUK ka qenë në Planin e Përhapjes së Forcave të Armatosura. Ndonëse kjo del qartë në dosje, prokurorët u përpoqën në dhjetëra faqe të krijojnë konfuzion [\(foto 14 – 16\)](#).

10. Prokurorët pretenduan se toka e familjeve pronare nuk përfshinte gjithë sipërfaqen e ish Klubit. POR hartat zyrtare provojnë se tokat e 5 familjeve pronare shtrihen në atë zonë, në vazhdim të njëra-tjetrës, pa hapësira në mes, në sipërfaqe mbi 21 mijë m² më shumë se sipërfaqja e ish klubit, dhe përfshin edhe 1500 m² që grabiti Edi Rama me mikun e tij Carlo Bolino [\(foto 17\)](#).

11. Ndryshe nga sa pretenduan prokurorët duke fshehur dokumenta, procesin e privatizimit të Klubit Partizani nuk e ka filluar qeveria Berisha.

11.1. Shkresat e firmosura nga ministrat socialistë Angjeli dhe Klosi dëshmojnë fillimin e procedurave të privatizimit të klubit në vitin 2005, për llogari të një subjekti tjetër që nuk kishte lidhje me pronën. [\(Foto 18, 19\)](#)

11.2. Sipas dëshmisë së tij, ai u tërhoq nga procesi, pasi ligji nr. 9235 i datës 19.7.2004 i Kthimit dhe Kompensimit të Pronave, në nenin 7§2 përcaktonte se pronat e paluajtshme që propozoheshin për tjetërsim ju kalonin të shpronsuarve; pra, ligji ia kthente pronën pronarit. [\(foto 20\)](#)

12. Prokuroret politikë pretendojne se ligjet dhe vendimet e qeverisë së PD, në zbatim të programit të saj në fushën e pronësisë, janë bërë për të favorizuar Malltezin. Në të vërtetë ato reforma nuk kanë synuar kurrë një person të veçantë.

12.1. Ato reforma bënë të mundur që, në vitet 2006-2012, mbi 500 mijë pronarëve legjitim t'u kthehen 1,577,400,000m² tokë, pronë e tyre. Njëri prej tyre, Malltezi, me kthim prone mori 410 m² tokë të familjes së tij, të konfiskuar para 60 viteve. [\(Foto 21 – tabelë\)](#)

12.2. Prokurorët vendimin e qeverisë nr. 1638, datë 17.12.2008 “*Për kriteret e vlerësimit të pronës shtetërore që privatizohet apo transformohet dhe për procedurën e shitjes*”, që në përputhje me programin e saj vendos përdorimin e letrave me vlerë në procese privatizimi, në favor të të gjithë qytetarëve, e konsiderojnë favorizim për Malltezin. [\(foto 22\)](#)

12.3. Vendimi nr. 1638 (nga i cili qytetarët Shqiptarë kanë përfituar mbi 40 milion €) doli vetëm një muaj pasi familjet pronare të klubit Partizani kishin paguar me para **(lekë në bankë)** 90% të vlerës totale. Për 10% e mbetur të vlerës, Prof. Malltezi i bie se ka përfituar nga letrat me vlerë gjithsej 64 euro.

13. Pretendimi se Berisha favorizoi Malltezin me ndryshimin e destinacionit nga zonë sportive në banimi është trillim. Në ligjin e urbanistikës qeveria qendrore nuk kishte asnjë kompetencë për ndryshime të tilla.

13.1 Vendimi i Gjykatës Kushtetuese të datës 10.11.2006 [\(foto 23\)](#), rrëzoi aktin normativ që lejonte prefektin të mbliidhte KRRT. Ndërsa me vendimin e datës 21.12.2006 GjK [\(foto 24\)](#) ndaloi çdo ndryshim të vendimeve të KRRT nga qeveria, duke e bërë firmosjen e vendimeve të KRRT nga qeveria një akt formal.

13.2. Ndryshimi i destinacionit të një pjese të klubit Partizani, nga zonë sportive në zonë urbane, është firmosur nga Edi Rama në vendimin nr 132/j, datë 08.06.2006, të KRRT, madje pa kërkesën e pronarëve të tokës. [\(Foto 25\)](#)

13.3. Në vitin 2008, me studimin e Zonimit FunkSIONAL të firmosur nga Edi Rama dhe 12 drejtorë të tij, e gjithë pjesa e klubit dhe më gjerë u shndërrua në zonë urbane. Ndryshimi i destinacionit u bë nga Edi Rama para privatizimit të ndërtesave të klubit. Ky dokument është fshehur nga Spak. [\(Foto 26 – 27\)](#).

13.4. Edi Rama në vitin 2008 ka firmosur lejen e sheshit dhe ka miratuar me kusht lejen e ndërtimit. Këto dokumente janë fshehur dhe prokurorët thonë se lejet e ndërtimit u dhanë vetëm nga Basha. Në fakt, ato janë dhënë nga Rama, Basha dhe Veliaj. [\(foto 28\)](#)

14. Kur Edi Rama mësoi se njeri nga dhjetëra pronarët e tokës ishte Jamarbër Malltezi, ai refuzoi ta zbardhë lejen e ndërtimit edhe pas vendimeve të formës së prerë të gjykatave. Edhe këto vendime gjykatash ishin fshehur nga SPAK. [\(foto 29\)](#)

14.1. Prokurorët kishin fshehur 3 shkresat e kundraligjshme të Kryeinspektorit të Policisë Ndërtimore të Edi Ramës, të lëshuar në 2010, për bllokimin e punimeve, edhe pasi kishte dalë vendimi i formës së prerë nga gjykata. [\(Foto 30 – 32\)](#)

14.2. Ata kishin fshehur vendimet e formës së prerë të gjykatave që ndëshkuan Edi Ramën për shpërdorim detyre dhe dëmin e shkaktuar me bllokimin e paligjshëm të punimeve, me mbi 320,000 euro! [\(Foto 33\)](#). Pavarësisht sa më sipër, në mbi 20,000 faqe të dosjes, prokurorët nuk e përmendin asnjëherë emrin e Edi Ramës.

15. Ata kanë fshehur vendimin gjyqësor të formës së prerë lidhje me falsifikimin e pronësisë së pishinës, të cilën pesë familjet pronare u detyruara ta blinin meqenëse ajo ishte pjesë e Klubit Partizani. [\(foto 34\)](#)

16. Për të mbështetur shpifjen e Taulant Ballës se Jamarbër Malltezi hyri si investitor vetëm me 114 m² tokë dhe doli me 5,4 milion euro fitim, prokurorët kanë fshehur faktin se toka e trashëguar prej tij ishte 410 m² dhe jo 114 m².

16.1. Në funksion të kësaj shpifjeje, ata kanë fshehur mbi 20 kontrata të blerjes nga Malltezi edhe të mbi 2100 m² tokë nga pronarët e tjerë, gjë që provon se Malltezi ka hyrë si investitor jo me 114m², por me mbi 2500 m² tokë. [\(foto 35\)](#)

16.2. Për të njëjtin qëllim ata kanë fshehur 350 kontrata shitje, vetëm gjatë viteve 2010-2011, të apartamenteve dhe dyqaneve, që në grupë, me një çmim 20% më të ulët se tregu, që mundësuan që projekti të bëhej i vetë-financueshëm. [\(foto 36\)](#)

17. Prokurorët nuk referojnë Vendimin e Këshillit Bashkiak, nr. 57, datë 24.12.2012, që miratoi Planin e Përgjithshëm Rregullues së Tiranës, i cili parashikonte edhe ndërtimin e një shkolle tek toka që pronarët e lanë “VAKËF”. [\(foto 37 – 38\)](#)

17.1 Këtë tokë, me vlerë 1, 2 milion euro, që pronarët fisnik e kishin lënë për ndërtim shkolle të mesme për komunitetin, Edi Rama ia dha me akte antiligjore, për një euro, mikut të tij Karlo Bolino, duke firmosur për këtë qëllim 4 vkm të personalizuar. [\(Foto 39\)](#)

18. Prokurorët e SPAK gënjyen me qëllim kur thanë se klubet sportive funksiononin normalisht në vitin 2008. Formularët e fshehur nga SPAK, që mbajnë firmën e Edi Ramës, tregojnë se asokohe, thuajse të gjithë objektet ishin zënë forcërisht. [\(Foto 40\)](#)

18.1. Zv.Ministri i Sporteve në 2006, me shkresën nr. 6714/1, datë 03.08.2006, shkruan se Ministria e tij nuk kish mundur ta merrte në inventar Klubin Shumësportësh Partizani, pasi ai ishte i uzurpuar nga familje informale. [\(foto 41\)](#)

18.2 Sipas Drejtorit të Komandës Mbështetëse, Ministria e Mbrojtjes as nuk e posedonte dhe as e administronte ish Klubin e Futbollit Partizani. Grupi i punës që ai dërgoi u përzu me forcë nga uzurpatorët. [\(foto 42\)](#)

18.3 Prej vitesh shteti nuk fitonte asnjë qindarkë nga klubet sportive Partizani, pasi territori dhe ndërtesat e tij ishin të pushtuara në mënyrë të paligjshme nga mbi 42 familje informale dhe subjekte që zhvillonin aktivitet informal ndërsa pronarët e tokës sorrollateshin e nuk gëzonin pronën e ligjshme të tyre.

19. Prokurorët kishin fshehur kontratën e familjes Begeja sipas së cilës të gjithë anëtarët e saj kishin të drejtë të investonin në zhvillimin e pronës deri në 25% të pjesës së tyre takuese. [\(foto 43\)](#)

20. Vështirësitë e krijuara nga presioni politik, si dhe uzurpimi i pronës bëri që vetëm Prof. Malltezi dhe dy bashkë-pronarë të tjerë të binin dakort të bashkëinvestonin për zhvillimin e pronës.

20.1. Në fillim, për periudhën 2008-2014, ata e formalizuan marrëdhënien e tyre ligjore me kontratë të noterizuar, ekzistencën e të cilës prokurorët e injoruan me keqdashje. [\(Foto 44\)](#)

21. Për periudhën 2014 e në vazhdim, ata e kthyen marrëdhënien e tyre në formatin e një shoqërie tregtare dhe rregjistruan pjesmarrjen e tyre në të me shkrim, sipas detyrimeve ligjore. [\(Foto 45\)](#)

21.1. Si në periudhën e organizimit kontraktor, ashtu edhe si shoqëri tregtare, aktiviteti i tyre, si dhe vetë investitorët, shlyen çdo detyrim tatimor dhe bënë çdo deklaram që ishte detyrim ligjor, pranë organeve përkatëse publike.

Si konkluzion

22. Njohja, kthimi i pronës dhe privatizimi i objekteve të rrënuara të klubit Partizani janë zhvilluar në përputhje të plotë me ligjet. Pronarët legjitimë kanë marrë pronën e tyre të konfiskuar 60 vite më parë dhe shteti nuk ka pësuar asnjë dëm.

23. Asnjë zyrtar, i asnjë qeverie, qe kanë firmosur dokumenta të këtij procesi nga viti 1995 deri në 2009, nuk është në ndjekje penale, sepse ata kanë zbatuar strikt ligjin.

24. Prof. Malltezi ka marrë sipas ligjit 410m2 tokë pronë të familjes tij, nga 1,577,400,000m2 që morën mbi 500,000 pronarë vetëm gjatë viteve 2006-2012.

24.1. Tokën që familjet pronare e lanë për ndërtim shkolle për komunitetin, përfshirë edhe 1,500m2 tokë të familjes Begeja të Prof. Malltezit, Edi Rama ia dha mikut të tij Bolino me 1 euro, duke firmosur për këtë qëllim 4 VKM të personalizuar, në kundërshtim me ligjin.

25. Ndryshimi i destinacionit të terrenit, si e drejtë ligjore ekskluzive e qeverisë vendore, është bërë nga Edi Rama para privatizimit. Privatizimi i ndërtesave të rrënuara të Klubit nisi nga qeveria Nano dhe përfundoi sipas ligjit nga qeveria Berisha.

26 Dosja e Klubit Partizani është një piramidë mashtrimi politik, e ngritur mbi kallzimin e rremë të lidërshipt socialist dhe shpifjet, fshehjen e qindra dokumentave dhe manipulime të SPAK, me porosi të Edi Ramës, për të goditur politikisht Sali Berishën dhe Partinë Demokratike.

27. Ndërkohë që është vetëm nën hetim, Sali Berisha është vendosur nën tre masa sigurie, tipike të një diktature, ndonëse në asnjë dokument të këtij procesi nuk ekziston firma e tij dhe nuk ka asnjë dëshmi për ndërhyrje apo presion nga ana e tij ndaj ndonjë personi.

28. Ndalimi i çdo komunikimi përveçse me familjarët e ngushtë për Berishën nga prokuroria, gjykata dhe parlamenti, në kontroll të plotë të Edi Ramës, bie ndesh me Konventën Europiane të të Drejtave të Njeriut dhe nenin 17 të kushtetutës së Shqipërisë sipas të cilit kufizimi i të drejtave themelore kushtetuese bëhet vetëm me ligj.

29. Prof. Malltezi u arrestua brutalisht dhe më pas u la në arrest shtëpie dhe ju sekuestruan pasuritë, si person në hetim, për fajin e vetëm se është dhëndri i Sali Berishës. Ai u burgos për pronën e tij, njësoj si komunistët burgosën dhe pushkatuan paraardhës të tij që prej vitit 1945 për shkak të përkatësisë klasore dhe pronave të tyre.

30. Për të montuar këtë dosje, Edi Rama zgjodhi persona në konflikt të hapur interesi, të larguar nga Berisha prej detyrës si ish oficeri i policisë sekrete të Hoxhës, si e korruptuar, apo të denoncuar prej tij për lidhjet me krimin.

31. Këto masa u morën sepse, me rikthimin e Berishës, pas shpalljes së tij non-grata nga departamenti i Shtetit dhe Home Office për korrupsion, pa asnjë fakt apo provë të vetme, por vetëm mbi lobimin korruptiv të mentorit të Ramës – George Soros, e McGonigal, Rama humbi kontrollin e tij mbi opozitën.¹

32. Rama ndërmori këto masa pasi opozita nisi protesta kundër bllokimit nga ai të hetimit të tij parlamentar, për skandalin McGonigal dhe aferat korruptive shumë miliardëshe si ajo e inceneratorëve, Dubai City i Durrësit e dhjetra PPP-ve që mbajnë firmën e tij.

33. Ai ndërmori këto masa pasi opozita denoncoi lidhjet e tij direkte me kartelet e drogës në Shqipëri e rajon, me bosët shqiptarë të Sinaloas të Meksikës, me shpalljen e tyre investitorë strategjikë, si dhe bisedat me Sky ECC me organizatat kriminale. [\(Foto 46-47\)](#)

34. Në vendosjen e këtyre masave ka ndikuar procesi gjyqësor i McGonigal për dosjen shqiptare që zhvillohet në shkurt në Washington, e cila tregon se Edi Rama McGonigal, Dorian Duçka dhe Agron Neza kanë vepruar si grup i strukturuar kriminal. [\(Foto 48-49\)](#)

¹ Raporti me të vërtetat rreth shpalljes non grata të Sali Berishës, mund të shkarkohet këtu: <https://www.sali-berisha.com/>

35. Nga 2017 deri në 2020, ky grup, në Tiranë dhe rajon, u kanë vendosur gjoba shumë milionëshe biznesmenëve me shantazh/premtim të vënies/ heqjes nga listat e zeza të qeverisë së SHBA.

35.1. Mc Gonigal, ish kreu i Kundër-zbulimit të FBI për Neë York, u pagua nga Rama, përmes ish agentit të Sigurimit të Shtetit A. Nezaj, me 225,000 dollarë për të dëmtuar opozitën në Shqipëri dhe për shpalljen e Berishës non-grata² ([foto 49-1](#)).

36. Rikthimi i Berishës i shkatërroi Edi Ramës, kreut të narkoshtetit të parë dhe të vetëm në Europë, ëndrrën për një Shqipëri pa opozitë apo me opozitë të kontrolluar prej tij dhe për një mandat të ri të bazuar në grabitjen e zgjedhjeve.

37. Me këtë akt, Edi Rama tregoj se është pasardhës besnik i babait të tij, Kristaq Ramës, zëvendesit të Ramiz Alisë dhe Nexhmije Hoxhës, që më 8 gusht 1988 firmosi varjen publike në litar të poetit Havzi Nela, për vargjet e tij për fjalën e lirë. ([foto 50](#)).

38. Për gjithë arsyet e mësipërme, Edi Rama më 9 Prill dhe 7 Maj 2022, përkatësisht në Kongresin dhe Asamblenë e PS, i kërkoi publikisht SPAK të procedojë Sali Berishën që ishte shpallur non-grata. Prokurorët politikë zbatuan urdhërin e tij.

² <https://tts-bild-prod.podigee.io/7908-russen-oligarch-albanien-premier-sex-ol-und-dubiose-gelder-korrupter-fbi-agent-balkan-beben-bis-berlin>